

OÛBLE MÈ PA VYÒ MAYÈÏN

Intra pè lo vyò bôouk toui lè mouchu chonn kountsa pè la drûzu chetchyayu
Pa-mi dè vâtse au larzo pò machyè lo rékò
Lè reuss chonn vouidaye è lè tsène ěnrouryèye
È lu mestrà ein làju achonbrik pè lo tein chè confon ooù vyò mooù
Lu mà dè kooù me prènn peincein qu'è jyami plu
Yu mettrè lo chio moourò une mozon bien grachett

refrain :

E kan yo charik vya tu vundrè mè kerì
Mayèïn a chick koblett ché tozo pré dè tè

Lu bârd'do pârrè-grò d'âtro vyazo respèkta pontonnà in la pouhsa
chünn vyo manzo feïndoùk dèchètcha pè lo teïn
Vouék yèth pami tenouk orà l'ouèl yèth troua gro
Oünna fèsu fènnidouaye na réchèta d'ooù fè ènn mounton pèr oun karro
Dè vyò moublo frùthà pè dè manchè abïnmaye
Chovinyènn dé anchyànch è d'ouñtèin k'yè pachà

refrain

Achetà ch'lò vyò ban pèr dejòtt l'avan-téck vèrre ch'le bél surànn
Lu rathè pò fenà lu fla d'ooù feïn cheyà
Lu moulètt ethatchyà òou batù dè la granze
Tòtt eïntor dè tchyè mè lu bossàtt mè chorrik chakòou pè l'oura d'ooù vèss
Lu devuj d'ooù pachà dé noutchro dèvantich
Tsanson dè d'âtro vyazo oublàye avouè lo teïn

refrain

Pa-mi dè berzuronch pò vouarda lè nourinch autor dè stòou vyo éethro
Mèschyà dè vâtse ein bouèù dè faye ein barooulinch
Iran lè nouschro jyouass è vouèk chonn touiss oublà
Yé lachyà m'ooùn bonòou pré d'ooù myo vyo mayèïn ku m'ateindrè tozo
Yé lachyà lo myo kooù po kooùn pé toui lè zoch
Prumyè tòtt lè pupe yu florische l'amòou

refrain

E chu lu vya d'ooù moundo mè chèimble trouà malèïnn
Mayèïn tounn tèk dè lèss yu charè m'aberjyè